



EDICTO

Aprobada polo pleno, en sesión de 29-11-2013, a ordenanza da "TAXA POLA PRESTACIÓN DE SERVIZO PÚBLICO DE AXUDA A DOMICILIO NO CONCELLO DE COLES" e exposta ao público sen que se presentasen reclamacións, fica definitivamente aprobada e publicanse os artigos modificados, de conformidade co previsto no artigo 17.4 do RDL 2/2004 de 5 de marzo.

Contra o acordo aprobatorio, que esgota a vía administrativa, poderase interpor recurso contencioso-administrativo perante a sala correspondente do TSXG, no prazo de dous meses contados a partires da presente publicación, tal e como sinala o artigo 19 do RDL 2/2004 de 5 de marzo.

ORDENANZA FISCAL REGULADORA DA TAXA POLA PRESTACIÓN DO SERVIZO PÚBLICO DE AXUDA NO FOGAR DO CONCELLO DE COLES.

No uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, de conformidade co disposto nos artigos 15 e seguintes do Real decreto legislativo 2/2004, do 5 de marzo, polo que se aproba o Texto refundido da Lei reguladora das facendas locais, o concello de Coles establece unha nova regulación, substitutiva da vixente, da taxa pola prestación do servizo de axuda no fogar que se rexerá por esta ordenanza fiscal, con normas que atenden ao previsto no artigo 57 do citado real decreto legislativo.

Artigo 1º. Feito imponible.

Constitúe o feito imponible desta taxa a prestación do servizo de axuda no fogar que comprende a realización das actividades previstas no artigo 4 (contido do servizo) do regulamento do servizo de axuda no fogar do concello de Coles.

Artigo 2º. Suxeitos pasivos.

Serán suxeitos pasivos desta taxa, a título de contribuíntes, as persoas físicas, xurídicas ou entidades ás que se refiren os artigos 35 e 36 da Lei xeral tributaria que soliciten e se beneficien da prestación do servizo de axuda no fogar.

As infraccións e sancións rexeranse, no relativo aos pagos, pola Lei 58/2003, do 17 de decembro, xeral tributaria e polo Real Decreto 939/2005, do 29 de xullo, polo que se aproba o Regulamento Xeral de Recadación, e no resto das materias, polo disposto na Lei 13/2008, de 3 de decembro, de servizos sociais de Galicia.

Artigo 3º. Responsables.

Serán responsables solidarios da obrigas tributarias do suxeito pasivo as persoas físicas ás que se refiren o artigo 42 da Lei xeral tributaria e serán responsables subsidiarios da débeda tributaria as persoas ou entidades ás que se refira o artigo 43 da Lei xeral tributaria. As infraccións e sancións rexeranse, no relativo aos pagamentos, pola Lei 58/2003, do 17 de decembro, xeral tributaria, e polo Real decreto 939/2005, do 29 de xullo, polo que se aproba o Regulamento Xeral de Recadación, e no resto das materias, polo disposto na Lei 13/2008, do 3 de decembro, de servizos sociais de Galicia.

Artigo 4º. Determinación da capacidade económica do sistema de atención a persoas usuarias da dependencia.

1. A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase de acordo coas normas de valoración contidas no capítulo II do Título III do Decreto 149/2013, do 5 de setembro, polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, observándose as normas de aplicación á materia, vixentes en cada momento, polo órgano competente en materia de servizos sociais da Xunta de Galicia.

2. O resultado do cálculo da capacidade económica, correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se



regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.

Artigo 5º. Determinación da capacidade económica das persoas usuarias doutros servizos que impliquen copagamento.

No servizo de axuda no fogar prestado a persoas ou unidades de convivencia distintas ás referidas no artigo anterior, o cómputo da capacidade económica farase de acordo cos seguintes criterios:

1. Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do imposto sobre a renda das persoas físicas.
2. Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.
3. A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.

Artigo 6º. Mecanismos de revisión anual para actualización da información relativa á capacidade económica das persoas usuarias do servizo de axuda no fogar dependentes e doutros servizos que impliquen copagamento.

Serán as Xefaturas Territorais as que no primeiro trimestre de cada exercicio diten de oficio resolución de actualización da capacidade económica.

Artigo 7º. Participación no financiamento do servizo das persoas dependentes con dereito de atención recoñecido como usuarias do servizo de axuda no fogar.

- 1.- No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.
- 2.- Nos demais supostos, aplicarase a táboa do *ANEXO A*, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado.
- 3.- Nos casos en que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo as horas reais prestadas de servizo de axuda no fogar sexan inferiores á cantidade expresada en cada columna da táboa *ANEXO A* para o grao correspondente, a cantidade a pagar será minorada proporcionalmente á diminución das horas efectivas de servizo.
- 4.- En ningún caso, o importe da participación económica que deberá ingresar a persoa beneficiaria en concepto de copagamento, poderá exceder o 90% do custo do servizo determinado en termos de prezo/hora.
Esta táboa será revisada automaticamente todos os anos coa actualización do IPREM.
- 5.- No caso das atencións e servizos complementarios do nivel básico do servizo de axuda no fogar, prestados ás persoas dependentes valoradas con dereito de atención recoñecido, para os efectos de facer efectiva a obriga de participar no custo do servizo por parte das persoas usuarias, aplicarase a táboa do *ANEXO B* na cal se expresa a súa participación en termos de porcentaxe sobre a capacidade económica da persoa usuaria en función da intensidade e do tipo de atención ou servizo asignado.



Artigo 8. Participación das persoas usuarias no financiamento doutros servizos que impliquen copagamento.

1. Para o servizo de axuda no fogar, en réxime de libre concorrència, para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia, segundo o calendario de implantación que se establece na Lei 39/2006, aplicarase a táboa *ANEXO C* que regula unha progresiva participación económica no custo do servizo en base ao cálculo da capacidade económica per cápita, de acordo co establecido no artigo 16 do regulamento do servizo de axuda no fogar.

2. Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestructuración familiar, exclusión social ou pobreza infantil, circunstancia que deberá estar debidamente xustificada no correspondente informe social.

3. En calquera caso, establecerase un límite máximo de participación económica das persoas usuarias do 40% da súa capacidade económica.

Esta táboa será revisada automaticamente todos os anos coa actualización do IPREM.

-O importe da taxa estará determinado polo coste real da hora da prestación do servizo de axuda no fogar, de luns a venres, segundo se establece no *ANEXO D*. O prezo da hora será revisado segundo o IPC anual.

-O cálculo da cota mensual realizarase con nº de horas mensuais prestadas por prezo/hora/usuario.

Artigo 9º. Afectación dos ingresos municipais polo copagamento dos servizos.

De conformidade co artigo 56.7 da Lei 13/2008, de servizos sociais de Galicia, en todo caso, os ingresos que recade o Concello de Coles, en concepto de achega das persoas usuarias para a súa participación no custo dos servizos sociais comunitarios, estarán afectados ó financiamento dos servizos sociais que reciban.

Artigo 10º. Obrigados ao pagamento.

Están obrigados ó pagamento das taxas reguladas nesta ordenanza, as persoas usuarias beneficiarias do servizo prestado por este Concello ás que se refire o artigo 5 do regulamento do servizo de axuda no fogar.

Artigo 11º. Dereito á percepción e período impositivo.

A primeira utilización do servizo producirase no momento de autorizar a prestación da axuda polo órgano competente.

Servizo xa concedido: producirase o primeiro día do mes natural seguinte.

Artigo 12º. Liquidación e ingreso.

Estarán obrigados ao pagamento da taxa regulada nesta ordenanza as persoas físicas usuarias do servizo de axuda no fogar prestado polo concello de Coles.

A obriga de pagar as taxas reguladas nesta ordenanza, nace en xeral, dende que se inicie a prestación do servizo e deberá facerse efectivo de acordo coas seguintes normas de xestión:

1. As taxas contempladas nesta ordenanza satisfaranse con carácter posterior á prestación do servizo e con carácter específico, durante os vinte días seguintes á liquidación das mesmas.

2. Por parte do concello e, sobre a base do parte de traballo asinado, conxuntamente pola persoa usuaria e polo persoal de atención directa, elaborárase un recibo individual co importe correspondente ao servizo prestado no trimestre anterior, que se remitirá á entidade bancaria elixida pola persoa beneficiaria para que se efectúe o pagamento.

- As persoas que estean recibindo o SAF deberán comunicar, con 10 días de antelación, en circunstancias ordinarias e previsibles, calquera ausencia temporal que puidese impedir ou dificultar a execución dos servizos que, se fose o caso, se prestasen no seu domicilio.

O servizo poderá suspenderse, logo de tramitación do correspondente expediente e informe razoado do persoal técnico coordinador do servizo, que deberá incorporarse o expediente persoal, por as seguintes causas:

1. Ausencia temporal do domicilio: neste caso o servizo poderá suspenderse por un máximo de tres meses para as persoas usuarias que accedan o servizo polo sistema de libre



concorrenza e por un máximo de dous meses para as persoas usuarias de dependencia, debendo acreditar a persoa usuaria as causas que motivan a súa ausencia.

2. Modificación temporal das causas que motivaron a necesidade do servizo: poderá suspenderse o servizo en tanto persista o cambio de circunstancias causante da suspensión, coa excepción das prazas vinculadas a un dereito exercido dentro do sistema de autonomía e a atención á dependencia, suposto no que se estará ao disposto na correspondente normativa reguladora.

Se o beneficiario non fai efectivo o pagamento, no caso de que o impago sexa reiterado, para as persoas usuarias de dependencia comunicárase á Xefatura Territorial da Consellería de Traballo e Benestar correspondente aos efectos oportunos. No caso das persoas usuarias de libre concurrencia poderá ser causa de extinción do servizo, previa tramitación do expediente correspondente.

Artigo 13º. Normas de xestión.

Coa solicitude da prestación do servizo xustificáranse os ingresos para a determinación da tarifa para aplicar.

A baixa na prestación do servizo producirá efecto no mesmo día no que se solicite ou se declare de oficio.

Poderase solicitar, cando así o estimen conveniente os servizos sociais comunitarios, e polo menos unha vez ao ano, a documentación acreditada na que se reflicta a súa capacidade económica.

Disposición derogatoria.

Coa entrada en vigor da presente ordenanza, ficará derogada a "*ordenanza fiscal reguladora da taxa pola prestación do servizo de axuda a domicilio do Concello de Coles*", aprobada polo pleno en sesión do 10/05/2013, publicada no BOP n.º 155, do 08/07/2013.

Disposición derradeira.

A presente ordenanza fiscal entrará en vigor o mesmo día da súa publicación no BOP e será de aplicación dende o día 1 de marzo de 2014, permanecendo en vigor ata a súa modificación ou derogación expresa.

Coles, 24 de xaneiro de 2014.
O ALCALDE,

Asdo: Manuel Rodríguez Vázquez



ANEXO A

TABOA DE COPAGAMENTO DE AXUDA NO FOGAR PARA OS DE ACCESO DIRECTO O SAAD.

Capacidade económica (referenciada ao IPREM). Ata	Grao I	Grao II	Grao III
	<=20 h	<=45 h	<=70 h
100,00 %	0,00 %	0,00 %	0,00 %
115,00 %	4,52 %	9,61 %	14,70 %
125,00 %	5,41 %	11,50 %	17,58 %
150,00 %	5,55 %	11,79 %	18,03 %
175,00 %	5,65 %	12,00 %	18,35 %
200,00 %	5,72 %	12,16 %	18,60 %
215,00 %	5,81 %	12,34 %	18,87 %
250,00 %	6,03 %	12,82 %	19,61 %
300,00 %	6,24 %	13,26 %	20,29 %
350,00 %	6,42 %	13,63 %	20,85 %
400,00 %	6,54 %	13,90 %	21,25 %
450,00 %	6,63 %	14,09 %	21,55 %
500,00 %	6,70 %	14,25 %	21,79 %
>500 %	6,76 %	14,36 %	21,97 %

ANEXO B

TABOA DE COPAGAMENTO DE AXUDA NO FOGAR PARA OS DE ACCESO DIRECTO O SAAD.

% Capacidade económica (referenciada ao IPREM) Ata	Grao I			Grao II			Grao III		
	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia	Actividades de acompañamento, socialización e desenvolvemento de hábitos saudables	Servizo de préstamo de axudas técnicas
	<=15			<=28			<=45		
100,00 %	0,00 %	12,87 %	13,76 %	0,00 %	22,73 %	24,29 %	0,00 %	35,51 %	37,95 %
115,00 %	5,98 %	13,10 %	14,00 %	10,56 %	23,12 %	24,71 %	16,50 %	36,13 %	38,61 %
125,00 %	7,15 %	13,39 %	14,31 %	12,63 %	23,64 %	25,26 %	19,73 %	36,94 %	39,47 %
150,00 %	7,34 %	13,52 %	14,44 %	12,95 %	23,87 %	25,50 %	20,24 %	37,29 %	39,85 %
175,00 %	7,47 %	13,61 %	14,54 %	13,18 %	24,03 %	25,67 %	20,60 %	37,54 %	40,12 %
200,00 %	7,57 %	13,76 %	14,70 %	13,36 %	24,29 %	25,96 %	20,87 %	37,96 %	40,56 %
215,00 %	7,68 %	13,83 %	14,78 %	13,56 %	24,42 %	26,09 %	21,18 %	38,16 %	40,77 %
250,00 %	7,98 %	13,96 %	14,91 %	14,09 %	24,64 %	26,33 %	22,01 %	38,50 %	41,14 %
300,00 %	8,25 %	14,06 %	15,02 %	14,57 %	24,82 %	26,52 %	22,77 %	38,78 %	41,44 %
350,00 %	8,48 %	14,16 %	15,13 %	14,98 %	25,00 %	26,72 %	23,40 %	39,07 %	41,74 %
400,00 %	8,65 %	14,35 %	15,33 %	15,27 %	25,33 %	27,06 %	23,85 %	39,57 %	42,29 %
>400,00 %	8,77 %	14,48 %	15,48 %	15,48 %	25,57 %	27,32 %	24,19 %	39,95 %	42,69 %

ANEXO C

TABOA DE COPAGAMENTO DE AXUDA NO FOGAR PARA LIBRE CONCURRENCIA.

CAPACIDADE ECONÓMICA	Participación no custo do servizo de SAD básico
Menor de 0,80 IPREM	0%
Maior de 0,80 e menor ou igual a 1,50 IPREM	15 %
Maior de 1,50 e menor ou igual a 2,00 IPREM	20%
Maior de 2,00 e menor ou igual a 2,50 IPREM	50%
Maior de 2,50 IPREM	70%



CONCELLO DE COLES

Tel. 988 205 134 - Fax 988 205 107
32152 VILARCHAO - COLES

ANEXO D

TABOA DE COPAGAMENTO DE AXUDA NO FOGAR PARA LIBRE CONCURRENCIA.

AÑO	PRECIO HORA/USUARIO
2014	10,00 €

Coles, 24 de xaneiro do 2014.

O ALCALDE,

Asdo: Manuel Rodríguez Vázquez